

JAVNO PREDUZEĆE

«RAD»

d. d. TEŠANJ

ISO 9001
BUREAU VERITAS
Certification



Trg žrtava 3. avgusta br. 2, Tešanj
Tel./fax: 032/650-566; 650-428
Direktor: 032/650-471

račun: 1990460003075676 Sparkasse banka
račun: 3385502203283017 Uni Credit banka
račun: 1603000030014004 Vakufska banka
račun: 1414155320002012 BBI banka

ID broj: 4218317600003
PDV broj: 218317600003
www.rad-tesanj.ba
e-mail: kprad@bih.net.ba

Broj: 5426/18

Datum: 18.09.2018. godine

PREDMET: Konkurentski zahtjev za dostavu ponuda za nabavku servisnog vozila

Poštovani,

U ime JP «RAD» d.d. Tešanj pozivam Vas da dostavite ponudu u postupku konkurentskog zahtjeva za dostavu ponuda. Procedura javne nabavke će se obaviti u skladu sa Zakonom o javnim nabavkama Bosne i Hercegovine («Službeni glasnik BiH» br. 39/14) i podzakonskim aktima, i u skladu sa ovom tenderskom dokumentacijom.

1. Predmet nabavke

1.1 Predmet javne nabavke je nabavka jednog servisnog motornog vozila prema sljedećoj tehničkoj specifikaciji:

OPĆE KARAKTERISTIKE

- Snaga motora: 55 kW (75KS) minimalno
- Zapremina tovarnog prostora: 3,0 m³ minimalno
- Emisioni standard: EU6,
- Vrsta motora: dizel ili turbodizel
- Vrsta pogona: prednji
- Broj vrata: 4
- Mjenjač: manualni 5 – stepeni minimalno ili automatski
- Broj sjedišta: 2 minimalno
- Međuosovinski razmak: maksimalno 2700 mm
- Dimenzije vozila DxŠxV: maksimalno 4500x2100x1900 mm
- Godina proizvodnje: 2018.
- Boja: bijela

OPREMA VOZILA MINIMALNO

- Gume dimenzija 195/65 R 15,
- Rezervni točak, sa gumom u punoj veličini i setom za popravku,
- Kočioni sistem ABS, ESC, EDS, ASR, MSR,
- Zračni jastuk za vozača, minimalno
- Rezevoar za gorivo zapremine minimalno 55 litara,
- Visoka pregrada bez prozora,
- Podizna vrata sa metalnom pločom, bez prozora
- Priprema za krovne nosače,
- Patosnice u kabini vozača,
- Desna klizna vrata,



- Servotronic volan,
- Dnevna svjetla,
- Klima uređaj poluautomatski,
- Priprema za radio, 2 zvučnika,
- Centralno zaključavanje s daljinskim zaključavanjem,
- Ključ za daljinsko zaključavanje,
- Radio, CD, MP3

1.2 Podjela na lotove:

Predmet nabavke nije podijeljen na lotove

1.3 Dobavljač dostavlja ponudu za konkretnu isporuku. Alternativne ponude nisu dozvoljene.

1.4 Vozilo će se isporučiti kupcu u roku od 30 (trideset) dana od potpisivanja ugovora o kupoprodaji.

1.5 Mjesto isporuke DDP JP «RAD» d.d. Tešanj, Trg žrtava 3. avgusta broj 2, Tešanj.

1.6 E-aukcija se provodi.

2. Uslovi za učešće i potrebni dokazi

2.1 Da bi učestvovali u proceduri javnih nabavki, odnosno dokazali svoju kvalificiranost svi ponuđači su obavezni dostaviti sljedeću dokumentaciju:

- 2.1.1. **Popunjenu izjavu da ispunjava sve uslove iz člana 45. Zakona o javnim nabavkama (izjava je sastavni dio tenderske dokumentacije – aneks 2.)**
- 2.1.2. **Uvjerenje / rješenje da imaju pravo na obavljanje profesionalne djelatnosti i/ili da su registrirani u relevantnim profesionalnim ili trgovačkim registrima (Aktuelni izvod iz sudskog registra ili rješenje o registraciji)**
- 2.1.3. **Popunjenu izjavu da ispunjava sve uslove iz člana 52. Zakona o javnim nabavkama (izjava je sastavni dio tenderske dokumentacije – aneks 3.)**

2.2 Dobavljači su obavezni uz ponudu dostaviti dokumentaciju kojom potvrđuju da ispunjavaju uslove tražene konkurentskim zahtjevom za dostavu ponuda.

Prihvatljivom ponudom smatraće se svaka ponuda koja sadrži sljedeće elemente, odnosno u predmetnoj nabavci dobavljači su u ponudi obavezni dostaviti i sljedeću dokumentaciju:

1. **Izjavu (dokaz) da ima ovlaštenje za prodaju i servis vozila koja je ponudio;**
2. **Izjavu (dokaz) da ima obezbijedene rezervne dijelove u BiH za vozila koja je ponudio;**
3. **Precizan tehnički opis za vozila koja nudi koji mora biti potpuno usaglašen sa karakteristikama koje se traže u tenderskoj dokumentaciji;**
4. **Izjavu o garantnom roku za kompletno vozilo od minimalno 2 (dvije) godine bez ograničenja pređene kilometraže;**
5. **Izjavu o roku isporuke vozila od najviše 30 (trideset) dana od dana potpisivanja ugovora o kupoprodaji;**
6. **Izjava o prihvatanju uslova plaćanja do 7 (sedam) dana po isporuci vozila;**
7. **Popunjene obrasce za ponudu i cijenu ponude – aneks 4. i aneks 5. tenderske dokumentacije**
8. **Popunjen nacrt ugovora o kupoprodaji - aneks 6. tenderske dokumentacije.**

Ponude koje ne budu sadržavale svu navedenu dokumentaciju i ispunjavale navedene uslove će biti odbijene, a ponuđači diskvalifikovani.

2.3 Kandidat / ponuđač koji bude izabran kao najpovoljniji obavezan je u roku od 5 dana po prijemu odluke o izboru najpovoljnijeg ponuđača dostaviti sljedeće dokumente kojima će potvrditi da se



slučajevi navedeni u tački 2.1.1. iz člana 45. Zakona o javnim nabavkama ne odnose na njega:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

3. Zahjevi po pitanju jezika

Ponuda, svi dokumenti i prepiska u vezi sa ponudom između dobavljača i ugovornog organa moraju biti napisani na jednom od službenih jezika u Bosni i Hercegovini. Prateća dokumentacija i štampana literatura koju dostavi dobavljač mogu biti napisani na drugom jeziku, u međunarodnoj upotrebi, pod uslovom da se uz njih dostavi zvaničan prijevod relevantnih dijelova na jeziku na kojem je napisana ponuda.

4. Priprema ponuda

4.1 Dobavljači snose sve troškove u vezi sa pripremom i dostavljanjem njihovih ponuda.

Ugovorni organ nije odgovoran niti dužan snositi te troškove.

4.2 Ponuda se dostavlja na slijedeću adresu: Javno preduzeće «RAD» d.d. Tešanj, Trg žrtava 3. avgusta Broj 2, Tešanj, najkasnije do 01.10. 2018. godine do 13,00 sati. Ponuda treba biti otkucana ili napisana neizbrisivom tintom.

Ponuda mora biti uvezana na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.

Ponuda koja ne bude uvezana na način da je onemogućeno naknadno vađenje ili umetanje listova će biti odbačena.

Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Garancija kao dio ponude se ne numeríše. Ako sadrži štampanu literaturu, brošure, kataloge koji imaju originalno numerisane brojeve, onda se ti dijelovi ponude ne numeríšu dodatno.

Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji. Svi listovi ponude trebaju biti parafirani ili potpisani od osobe, odnosno osoba koje su ovlaštene da zastupaju dobavljača. Sve dopune i izmjene ponude moraju biti čitljive i parafirane od ovlaštenih osoba. Osim toga, u slučaju da ponudu dostavlja grupa ponuđača, uz ponudu se mora dostaviti i punomoć kojom se navedene osobe ovlaštúju da predstavljaju grupu ponuđača u toku postupka nabavke (punomoć može također sadržavati i ovlaštenje za potpisivanje ugovora).



Period važenja ponude je najmanje 60 dana. Ukoliko se u ponudi ne navodi period važenja, smatraće se da je period važenja 60 dana. Ponude sa kraćim rokom važnosti će biti odbačene od strane naručioca kao neprihvatljive.

- 4.3 Dobavljač dostavlja ponudu u originalu na kojoj će jasno pisati: "ORIGINAL PONUDA". Ponuda treba biti zapečaćena u neprovidnoj koverti, sa pečatom ili potpisom dobavljača, imenom i adresom dobavljača, na kojoj će stajati: „Ponuda za nabavku servisnog vozila - ne otvarati”.
- 4.4 Dobavljači mogu izmijeniti ili povući svoje ponude pod uslovom da se izmjene ili povlačenje ponude dogodi prije isteka roka za dostavljanje ponuda. Ugovorni organ mora biti obaviješten u pisanoj formi i o izmjenama i o povlačenju ponude prije isteka roka za podnošenje ponuda. Izmjena ili povlačenje ponude mora biti izvršena u skladu sa tačkom 4.3. Osim toga, na koverti u kojoj se nalazi izjava dobavljača treba pisati sljedeće: "IZMJENE PONUDE" ili "POVLAČENJE PONUDE”.

5. Rok za dostavljanje ponuda

Rok za dostavljanje ponuda ističe 01.10. 2018. godine u 13,00 sati.

Javno otvaranje ponuda biće izvršeno dana 01.10. 2018. godine u 13,05 sati u Upravnoj zgradi preduzeća u kancelariji broj 11.

6. Kriterij dodjele ugovora i cijena

6.1 Kriterij za dodjelu ugovora je najniža cijena.

6.2 E-aukcija se provodi.

7. Preferencijalni tretman

U postupku konkurentskog zahtjeva za dostavu ponuda, ugovorni organ će primjeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg (Sl. Glasnik BiH 103/14 od 30.12.2014).

Ponuđači su obavezni u svrhu primjene preferencijalnog tretmana cijena dostaviti dokument, odnosno uvjerenje / potvrdu od vanjskotrgovinske komore BiH.

8. Garancija na dobro izvršenje ugovora

Garancija za dobro izvršenje posla iznosi 10% od vrijednosti Ugovora.

Garancija za dobro izvršenje ugovora je mjenica koju najpovoljniji ponuđač dostavlja Ugovornom organu zajedno sa mjeničnom izjavom i Ugovorom o kupoprodaji.

Garancija će biti naplaćena u sljedećim slučajevima:

- raskid ili neispunjenje Ugovora od strane dobavljača - 10% od vrijednosti Ugovora
- kašnjenje sa isporukom u visini 0,5% dnevno, a ne više od 10% od vrijednosti Ugovora

9. Obavještenje o dodjeli

Dobavljači će biti obaviješteni o rezultatima postupka za dodjelu ugovora, u svakom slučaju, najkasnije u roku od 7 (sedam) dana od dana donošenja odluke o izboru najpovoljnijeg dobavljača.

Ugovorni organ će obavijestiti dobavljača, čija je ponuda izabrana, o datumu i mjestu zaključivanja ugovora.

U slučaju da se ugovor izabranom dobavljaču na potpis dostavlja poštom, lično ili na drugi način, dobavljač ima rok od 5 dana za potpis ugovora od dana prijema ugovora, u suprotnom smatraće se da je odbio zaključenje ugovora.

10. Informacije o zaštiti prava dobavljača

U slučaju da je ugovorni organ u toku postupka javne nabavke izvršio povredu odredbi Zakona ili podzakonskih akata, ponuđači imaju pravo uložiti žalbu na tendersku dokumentaciju u skladu sa Zakonom o javnim nabavkama (Sl. Glasnik BiH broj 39/14) član 99. i 101.




Žalba na odluku o izboru najpovoljnijeg ponuđača u konkurentskom zahtjevu se podnosi u pismenoj formi, u roku od 5 (pet) dana od dana prijema obavijesti o rezultatima.

PRILOZI:

- I Obavještenje o nabavci
- II Izjava iz člana 45. Zakona o javnim nabavkama BiH
- III Izjava iz člana 52. Zakona o javnim nabavkama BiH
- IV Obrazac za ponudu
- V Obrazac za cijenu ponude
- VI Nacrt ugovora o kupoprodaji

U ime ugovornog organa





Aneks br. 2

Izjava o ispunjenosti uslova iz člana 45. stav (1) tačka od a) do d) Zakona o javnim nabavkama BiH („Službeni glasnik BiH“ broj: 39/14)

Ja, niže potpisani _____ (Ime i prezime) sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti naziv privrednog društva ili obrta ili srodne djelatnosti), ID broj: _____ čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku javne nabave _____ (Navesti točan naziv i vrstu postupka javne nabavke), a kojeg provodi ugovorni organ _____ (Navesti točan naziv ugovornog organa) za koji je objavljeno obaviještenje o javnoj nabavi (ako je objavljeno obaviještenje) broj: _____ u „Službenom glasniku BiH“ broj: _____, a u skladu sa člankom 45. stavcima (1) i (4) **pod punom materijalnom i kaznenom odgovornošću**

IZJAVLJUJEM

1. Kandidat/ponuđač _____ u navedenom postupku javne nabave, kojeg predstavljam, nije:
- Pravomoćnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca u skladu sa važećim propisima u BiH ili zemlji u kojoj je registriran,
 - Pod stečajem ili je predmetom stečajnog postupka ili je pak predmetom postupka likvidacije,
 - Propustio ispuniti obaveze u vezi s plaćanjem penzionog i invalidskog osiguranja u skladu sa važećim propisima u BiH ili zemlji u kojoj je registriran,
 - Propustio ispuniti obaveze u svezi s plaćanjem direktnih i indirektnih poreza u skladu sa važećim propisima u BiH ili zemlji u kojoj je registriran.

U navedenom smislu sam upoznat sa obavezom kandidata/ponuđača da u slučaju dodjele ugovora dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članku 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotrebe neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravna osoba) i od 200,00 KM do 2.000,00 KM za odgovorno lice ponuđača. Također izjavljujem da sam svjestan da ugovorni organ koji provodi navedeni postupak javne nabave shodno članu 45. stavak (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

(Ime i prezime)

Mjesto i datum davanja izjave:

Potpis i pečat nadležnog organa:

M.P.



Aneks br. 3

**PISMENA IZJAVA
IZ ČLANA 52 ZAKONA O JAVNIM NABAVKAMA**

Ja niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti društva ili obrta li srodne djelatnosti), ID broj: _____, čije sjedište se nalazi u _____ (Grad/općina), na adresi _____, (Ulica i broj), kao kandidat/ponuđač u postupku javne nabavke _____, (Navesti tačan naziv i vrstu postupka javne nabavke), a kojeg provodi ugovorni organ _____, (Navesti tačan naziv ugovornog organa), za koje je objavljeno obavještenje o javnoj nabavci (ako je objavljeno obavještenje) broj: _____ u „Službenom glasniku BiH” broj: _____, a u skladu sa članom 52. stav (2) Zakona o javnim nabavkama **pod punom materijalnom i kaznenom odgovornošću**

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koju ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovornog lica.
3. Nisam dao niti obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebao da obavlja, ili se suzdržava od radnji, koje ne trba izvršiti.
4. Nisam bio uključen u bilokakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ove izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:

M.P.



Aneks br. 4

OBRAZAC ZA PONUDU - ROBE

Broj nabavke:
Broj obavještenja sa Portala JN.....

UGOVORNI ORGAN (Upisuje se naziv ugovornog organa)

Adresa ugovornog organa

Ukoliko se provodi postupak zajedničke nabavke ili nabavku provodi centralno nabavno tijelo, upisuju se nazivi svih ugovornih organa koji sudjeluju u tom postupku, sa naznakom koji od navedenih ugovornih organa istupa za sve ugovorne organe u tom postupku nabavke.

PONUĐAČ (Upisuje se naziv ponuđača i ID broj ponuđača)

Adresa ponuđača

Ukoliko ponudu dostavlja grupa ponuđača, upisuju se podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se i podatak da je predstavnik grupe ponuđača. Podugovarač se smatra članom grupe ponuđača u smislu postupka javne nabavke.

KONTAKT OSOBA (za konkretnu ponudu)

Ime i prezime	
Adresa	
Telefon	
Faks	
E-mail	

IZJAVA PONUĐAČA

Ukoliko ponudu dostavlja grupa ponuđača, onda Izjavu ponuđača popunjava predstavnik grupe ponuđača.

U postupku javne nabavke koju ste pokrenuli i koja je objavljena na Portalu javnih nabavki, Broj obavještenja o nabavci....., dana....., dostavljamo ponudu i izjavljujemo sljedeće:

1. U skladu sa sadržajem i zahtjevima tenderske dokumentacije br.....(broj nabavke koji je dao ugovorni organ), ovom izjavom prihvatamo njene odredbe u cijelosti, bez ikakvih rezervi i ograničenja.
2. Ovom ponudom odgovaramo zahtjevima iz tenderske dokumentacije za isporuku roba/usluga/radova, u skladu sa uslovima utvrđenim u tenderskoj dokumentaciji, kriterijima i utvrđenim rokovima, bez ikakvih rezervi i ograničenja.

Ukoliko je predmet nabavke podijeljen na lotove, jasno naznačiti za koje lotove se dostavlja ponuda i to na sljedeći način, za svaki lot:

Lot br(...): Naziv robe (sa količinama, ukoliko je primjenjivo)/usluge/radova

3. Cijena naše ponude (bez PDV-a) je..... KM

Popust koji dajemo na cijenu ponude je.....KM



Cijena naše ponude sa uključenim popustom je.....KM
PDV na cijenu ponude (sa uljučenim popustom je).....KM
Ukupna cijena za ugovor je.....KM

Ukoliko je predmet nabavke podijeljen na lotove, cijena ponude po lotu je:

Lot br(....)

Cijena ponude za lot broj (....) je.....KM

Popust koji dajemo na cijenu ponude za lot (....), sa uključenim popustom je.....KM

Konačna cijena naše ponude za lot (....), sa uključenim popustom je.....KM

U prilogu se nalazi i obrazac za cijenu naše ponude, koji je popunjen u skladu sa zahtjevima iz tenderske dokumentacije. U slučaju razlike u cijenama iz ove Izjave i Obrasca za cijenu ponude, relevantna je cijena iz obrasca za cijenu ponude.

4. Preduzeće koje dostavlja ovu ponudu je domaće sa sjedištem u BiH i najmanje 50% ukupne vrijednosti od ponuđenih roba za izvršenje ovog ugovora je iz BiH/ 50%, ili radne snage koja će raditi na realizaciji ovog ugovora o nabavci usluga/radova, su rezidenti Bosne i Hercegovine, a dokazi da naša ponuda ispunjava uslove za preferencijalni tretman domaćeg koji su traženi tenderskom dokumentacijom su u sastavu ponude. Ukoliko se na ponudu ne može primjeniti preferencijalni faktor domaćeg, navesti da se na ponudu ne primjenjuju odredbe o preferencijalnom tretmanu domaćeg.
5. Ova ponuda važi (broj dana ili mjeseci se upisuju i broičano i slovima, a u slučaju da se razlikuju, validan je rok važenja ponude upisan slovima), računajući od isteka roka za prijem ponuda, t.j. do (..../..../....) (datum).
6. Garancija za ponudu je dostavljena u skladu sa zahtjevima iz tenderske dokumentacije.
7. Ako naša ponuda bude najuspješnija u ovom postupku javne nabavke, obavezujemo se:
 - a) dostaviti dokaze o kvalificiranosti, u pogledu lične sposobnosti, ekonomske i finansijske sposobnosti, te tehničke i profesionalne sposobnosti koji su traženi tenderskom dokumentacijom i u roku koji je utvrđen, a što potvrđujemo izjavama u ovoj ponudi;
 - b) dostaviti garanciju za dobro izvršenje ugovora, u skladu sa zahtjevima iz tenderske dokumentacije

Ime i prezime osobe koja je ovlaštena da predstavlja dponudača: [.....]

Potpis ovlaštene osobe: [.....]

Mjesto i datum: [.....]

Pečat preduzeća:

Uz ponudu je dostavljena slijedeća dokumentacija:

[*Popis dostavljenih dokumenata, izjava i obrazaca, sa nazivima istih*]



Aneks br. 5

OBRAZAC ZA CIJENU PONUDE - ROBE

Naziv dobavljača: _____

Ponuda broj: _____

Datum: _____

Redni broj	Opis robe	Količina Kom.	Jedinična cijena bez PDV-a	Ukupna vrijednost
1	Servisno motorno vozilo – (navesti proizvođača; tip vozila; snagu motora; pogonsko gorivo; zapreminu motora)	1		
Ukupna cijena bez PDV-a:				
Popust:				
Ukupna cijena sa popustom bez PDV-a:				
Ukupno PDV:				
Ukupno sa PDV-om i popustom:				

Slovima.....

Napomena:
Cijene moraju biti izražene u KM.

(potpis ponuđača)

M.P.



Aneks br 6

KUPOPRODAJNI UGOVOR - NACRT

Zaključen dana ____ . ____ 2018.godine između:

1. **Javnog preduzeća «RAD» d.d. Tešanj, sjedište: Trg žrtava 3. avgusta bb, Tešanj, (u daljem tekstu kupac), PDV: 21831760003, koje zastupa direktor Lihic Adnan, dipl.ing.maš.**
2. _____, sjedište: _____, ID _____ ili PDV: _____ (u daljem tekstu prodavac), kojeg zastupa _____.

Član 1.

Predmet ugovora je kupoprodaja fabrički novog servisnog motornog vozila – 1 komad, kako slijedi:

- proizvođač:
- tip:
- model:
- vrsta motora: dizel ili turbodizel EU6
- snaga motora:
- zapremina motora:
- broj vrata: 4
- broj sjedišta:

Prodavac je saglasan isporučiti, a kupac je saglasan preuzeti predmet ugovora koji je detaljno određen u Konkurentskom zahtjevu za dostavljanje ponuda za nabavku servisnog motornog vozila – 1 komad, objavljenom na portalu javnih nabavki, br. _____/18 od ____ . ____ 2018.godine, i u ponudi prodavca dostavljenoj kupcu, a koji su sastavni dio ovog Ugovora.

Član 2.

Kupoprodajna cijena predmeta ugovora iznosi _____ KM sa PDV-om.

Cijena je data na paritetu **DDP Tešanj, BiH, isporučeno, ocarinjeno**, i predstavlja cijenu vozila prema tehničkoj specifikaciji sadržanoj u Konkurentskom zahtjevu i u ponudi prodavca iz člana 1. ugovora. Kupoprodajna cijena na navedenom paritetu je fiksna (ne može se mijenjati).

Član 3.

Mjesto isporuke predmeta ugovora je Tešanj, sjedište Javnog preduzeća «RAD» d.d. Tešanj, Trg žrtava 3. avgusta bb, Tešanj.

Prilikom primopredaje vozila ugovorne strane će sačiniti protokol kojim će utvrditi usaglašenost vozila sa tehničkim zahtjevima iz Konkurentskog zahtjeva i ponudom prodavca iz člana 1. ugovora.

Član 4.

Kvalitet predmeta ugovora utvrđen je u ponudi navedenoj u članu 2. ovog ugovora.

Prodavac dokazuje kvalitet proizvođačkom deklaracijom.

Garancija na predmet ugovora iznosi _____ godina (ne može biti manja od 2 godine) na kompletno vozilo, počev od dana preuzimanja vozila.



Član 5.

Plaćanje predmeta ugovora kupac će izvršiti u roku od 7 dana od dana isporuke predmeta ugovora, na žiro račun prodavca br. _____ kod _____ banke.

Član 6.

Prodavac je obavezan na dan zaključenja ugovora, na ime garancije za dobro izvršenje posla dostaviti kupcu bjanko mjenicu i mjeničnu izjavu, a koju kupac može realizovati u sljedećim slučajevima:

- zbog raskida ili neispunjenja ugovora, pri čemu garancija inosi 10% od vrijednosti ugovora;
- zbog kašnjenja isporuke pri čemu garancija iznosi 0,5 % dnevno ali ne više od 10 % vrijednosti predmeta ugovora;

Član 7.

Prodavac se obavezuje da će u garantnom roku iz člana 4. stav 3. ovog Ugovora postupiti po reklamaciji kupca.

Pod reklamacijom se podrazumijeva zahtjev za zamjenu ili otklanjanje neispravnosti predmeta ugovora u garantnom roku koja je nastala zbog greške u proizvodnji ili materijalu.

Prodavac je saglasan da plati kupcu ugovornu kaznu u slučaju nerješavanja reklamacije u roku od 8 dana, odnosno 15 dana u slučaju većih i specifičnijih kvarova, pri čemu visina naknade iznosi 100,00 KM po jednom danu kašnjenja u rješavanju reklamacije;

Naplatu ugovorne kazne kupac može realizovati putem bjanko mjenice iz člana 6. ovog Ugovora.

Član 8.

Prodavac se obavezuje da će isporučiti kupcu predmet ugovora u roku od najviše 30 dana od dana zaključenja Ugovora.

Član 9.

Prodavac ne odgovara za nastalu štetu i raskid Ugovora zbog neizvršavanja obveza, ako je njegovo kašnjenje s izvršenjem Ugovora ili drugi propust u izvršavanju obaveza rezultat više sile.

Ako dođe do nastanka više sile prodavac je obavezan u roku od 2 dana od nastanka i prestanka više sile obavijestiti o tome kupca i priložiti potvrdu nadležne institucije.

Član 10.

Prodavac neće sklapati podugovor ni u jednom bitnom dijelu ugovora bez prethodnog pismenog odobrenja ugovornog organa.

Elementi ugovora koji se podugovaraju i identitet podugovarača obavezno se saopštavaju kupcu blagovremeno prije sklapanja podugovora.

Kupac može izvršiti provjeru kvalifikacija podugovarača u skladu sa članom 44. Zakona o javnim nabavkama i obavijestiti prodavca o svojoj odluci najkasnije u roku od 15 dana nakon prijema obavještenja o podugovaraču.

U slučaju odbijanja podugovarača, kupac će navesti objektivne razloge odbijanja.

Prodavac snosi punu odgovornost za realizaciju ugovora.

Član 11.

Prodavac nema pravo da zapošljava, u svrhu izvršenja ugovora, fizička lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje 6 mjeseci po zaključenju ugovora, odnosno od početka realizacije ugovora.

Član 12.

Ukoliko prodavac prekrši odredbe ovog ugovora, kupac može otkazati ugovor u roku od 7 dana.

Otkaz ugovora se podnosi u pismenom obliku.

U slučaju otkaza ugovora zbog kršenja navedenih odredaba prodavac se obavezuje da nadoknadi štetu kupcu, uz pismeni obračun i obrazloženje nastale štete.



Član 13.

Sve sporove nastale u vezi sa primjenom ovog Ugovora, kupac i prodavac će rješavati sporazumno, a ukoliko u tome ne uspiju sporove će rješavati Općinski sud u Tešnju.

Član 14.

Ovaj ugovor je sačinjen u 4 primjerka od kojih svaka strana zadržava po 2 primjerka.

Član 15.

Ugovorne strane su saglasne da se ovaj ugovor primjenjuje od dana zaključenja.

PRODAVAC:
Direktor:

KUPAC:
Direktor:

_____ Lihić Adnan, dipl.ing.maš.